

Alte Testament.

setz nicht. Vnd sind bedcut / durch die Kalbdienner in der wüsten / vmb welcher willen Mose die Tafeln entzwey warff / vnd das Gesetz nicht zu jnen bracht.

Die andern / die es angreifen mit eigener krafft zu erfüllen on gnade. Die sind bedeut durch die / so Mose andlitz nicht sehen kundten / da er zum andern mal die Tafeln bracht. Zu diesen kompt das Gesetz / aber sie leidens nicht. Darumb machen sie eine Decke drüber / vnd füren ein heuchlisch Leben mit eusserlichen wercken des Gesetzes / welchs doch das Gesetz alles zu sünden macht / wo die Decke abgethan wird / Denn das Gesetz erweist / das vnser vermügen nichts sey / on Christus gnade.

II.

Die dritten sind / die Mosen klar on Decke sehen. Das sind sie / die des Gesetzes meinung verstehen / wie es vnmüglich ding foddere. Da gebet die sünde in der krafft / da ist der Tod mechtig / da ist des Goliaths spies wie ein Weberbaum / vnd sein stachel hat sechs hundert sekelertz / das alle kinder Israel für jm fliehen / On der einige David Christus vnser Herr erlöset vns von dem allen. Denn wo nicht Christus klarheit neben solcher klarheit Mose keme / sündte niemand solche glentze des Gesetzes der Sünd vnd des Todes schrecken ertragen. Diese fallen abe von allen wercken vnd vermessenheit / vnd lernen am Gesetze nicht mehr / denn allein sünde erkennen / vnd nach Christo zu seufftzen / Welchs auch das eigentlich ampt Mose vnd des Gesetzes art ist.

III.

Goliaths spies.

Eigentlich Ampt des Gesetzes.

Deut. 18.

Also hat Mose auch selbs angezeigt / das sein Ampt vnd Eere solt wehren bis auff Christum / vnd als denn auffhören / da er spricht / Deut. xviii. Einen Propheten wird dir der Herr dein Gott erwecken / aus deinen Brüdern / wie mich / Den soltu hören etc. Dis ist der edlest Spruch vnd freilich der kern im gantzen Mose / welchen auch die Apostel hoch gefurt vnd starck gebraucht haben / das Euangelium zu bekrefftigen / vnd das Gesetz abzuthun / vnd alle Propheten / gar viel draus gezogen. Denn weil Gott hie einen andern Mose verheisset / den sie hören sollen / zwinget sichs / das er etwas anders leren würde / denn Mose / vnd Mose seine macht jm vbergibt vnd weicht / das man jenen hören solle. So kan je der selb Prophet nicht Gesetz leren / denn das hat Mose auff allerhöhest ausgericht / vnd were kein not vmbes Gesetzes willen einen andern Propheten zu erwecken / Darumb ist gewis von der Gnadenlere vnd Christo gesagt.

Moses ampt wehret bis auff Christum.

Darumb nennet auch S. Paulus Mose gesetz / das alte Testament / Christus auch / da er das neue Testament einsetzet. Vnd ist darumb ein Testament / das Gott darinnen verhies vnd beschied dem volck Israel das land Canaan / wo sie es halten würden. Vnd gabs auch jnen / vnd ward besteriget durch Scheps vnd Bocks tod vnd blut. Aber weil solch Testament nicht auff Gottes gnaden / sondern auff Menschen wercken stund / must es alt werden vnd auffhören / vnd das verheissen Land wider verloren werden / darumb / das durch wercke das Gesetz nicht kan erfüllet werden. Vnd must ein ander Testament komen / das nicht alt würde / auch nicht auff vnserm thun / sondern auff Gottes wort vnd wercke stünde / auff das es ewiglich wehret. Darumb ist auch durch einer ewigen Person tod vnd blut bestetiget / vnd ein ewiges Land verheissen vnd gegeben. Das sey nu von Mose Bücher vnd Ampt geredt.

Gesetz ist das alte Testament.

Alte Testament must auffhören.

Neue Testament wehret ewiglich.

WAS sind aber nu die ander Bücher der Propheten vnd der Geschichtten? Antwort / nichts anders / denn was Mose ist / Denn sie treiben alle sampt Moses ampt / vnd wehren den falschen Propheten / das sie das volck nicht auff die werck füren / sondern in dem rechten ampt Mose vnd erkenntnis des Gesetzes bleiben lassen. Vnd halten fest ob das sie durch des Gesetzes rechten verstand / die Leute in jrer eigen vntüchtigkeit behalten vnd auff Christum treiben / wie Mose thut. Darumb streichen sie auch weiter aus / was Mose von Christo gesagt hat / Vnd zeigen an bei seyley Exempel / dere / die Mose recht haben / vnd dere / die in nicht recht haben / vnd aller beider straff vnd lohn. Also / das die Propheten nichts anders sind / denn handhaber vnd zeugen Mose vnd seines Ampts / das sie durchs Gesetz jederman zu Christo bringen.

Was in den Propheten vnd andern des alten Testaments Büchern in Summa gleret wird.

Wiss lezt / solt ich auch wol die geistliche Deutung anzeigen / so durch das Levitisch Gesetz vnd Priesterthumb Mose furgelegt. Aber es ist sein zu viel zu schreiben / es wil raum vnd zeit haben / vnd mit lebendiger stimme ausgelegt sein. Denn freilich Mose ein Brun ist aller weisheit vnd verstands / dar aus gequollen ist alles / was alle Propheten gewust vnd gesagt haben. Dazu auch das

Geistliche deutung etc.

Mose ein Brun aller weisheit etc.

nerve